

閉關吟

戊子三月二十日 關振生君贈



MG  
I222.76



3 2167 7622 3

庾信文章老更成  
凌雲健筆意縱橫  
惡風白浪何嗟及  
擬絕天驕拔漢旌

文如先生與業以同日爲日軍所執同日得釋難中  
知其有詩百餘首後寫作一卷相示且命作序業不  
知詩不能文然又不能方命遂乞醢於少陵得四句  
姑作題辭可耳

壬午七月二十日洪業拜題

閉關吟

予以辛巳冬十一月十日被執至壬午夏四月朔二日先後歷  
百四十一日僅乃得釋初緊憲兵隊無意爲詩後入陸軍監獄  
偶以諧吟自遣無筆札可記旋棄去不復爲自二月十九日以  
後乃日課一二詩其辭率直吐臆不敢苦吟至脫繫日凡得各  
體百有五首暇日寫成一卷題曰閉關吟雖鄙俚不足言詩而  
一時意興所託言皆有物他日視之當留一段感慨故遂不加  
潤色以見真摯云歲在壬午四月十日文如居士識于成府村  
桑樹園寓廬

自警二首

能甘粗糲真豪傑享用平生未是優莫向乞兒嗤冷餒乞兒天上睨

幽囚

兩餐小米夾生飯一枕黑甜半餓鄉此境人生不易致生于憂患爾

休忘

女真四首

欲殺欲烹不可逃攫人鷹隼鷲尤驕憑陵上國都如此有客有客談  
金遼

城南胡子醉千場城北妖姬勸酒漿南渡河山猶有主北來胡馬不

飛揚

苦收法物兼書畫花石綱真擾一方宣政風流今已矣誰知繼起有

明昌

同憤普天錄已成普天洩憤事堪驚金孃也受青城辱一樣花枝送

虜營

斷送

斷送春消息愁中百感加帝秦人共憤張楚義非誇萬事因成果一  
籌飯煮沙夜闌風未已吹夢又還家

圓月

依舊團圓月宵深覓故人記曾南浦弄時共曲廊親枕上情偏切窗  
前意倍真可憐身被繫無計話酸辛

鴉啼

鴉啼非吉徵掩耳恐入聽鴉吉雀也凶于古頗有證況鴉以孝稱反  
哺昭式訓奈何今昔殊顛倒亦已甚我試爲之說得失姑不問喜晴  
而惡陰本乎人之性惟雀每噪晴聞之增喜幸鴉啼昏曉間或當風

雨近淒惻心中悲聞之生疾憎欣戚皆由我奚有吉凶訊乃知雜成  
見是非多無定僕少事詩書謬譎輒匡正稍稍明易理吉凶知動靜  
奈何繹綯中間鴉常忿忿流俗能移人于茲當益信

贈張東菴

明哲張夫子竹林早預流玄談傾四座讜論動諸侯老去名心澹書  
成衆望收羨君雙鬢綠愧我雪盈頭

贈趙紫宸

與君同難始相親食果當知過去因醜虜將亡休畏狡刀圭有效不  
嫌陳君病足氣不愈  
以唾塗之乃效沙明水淨心之主苦盡甘回福所臻待到牡丹花  
正放招邀閒踏軟紅塵

春陰

春晝暝然合唯當二月中平時腸已斷此日途真窮天意終難測人  
心大抵同陰霾如可掃只是待南風

水鏡

如戟丈夫概欣看似老成閒將水作鏡敢與日爲盟皴面增前歲蒼  
顏謝後生疎狂原不異只覺氣稍平

鐘聲

犬吠雞鳴時入耳鶯啼燕語總無聲五更驚醒還家夢何處鐘聲伴  
月明

舊恨

舊恨鎖眉尖新愁昨夜添悠悠心裡省脈脈意中牽風雨罷調瑟晴  
暄罕弄弦起來慵已甚睡去亦徒然所思在何許相望各一天會將

離別事祝向晚風前

二月二十五日虜營作慰同室張趙二君

虜營二閱月節序暗中換去日莫苦多脫繫期可盼譬如百日留過  
此已強半如以歲爲期六一已及算唯予測情勢歷歷頗如見決不  
涉炎暑案杳立當判破械縱我歸久繫誠非便君子貴自強賢聖有  
憂患區區數月間正足資鍾鍊奈何爲彼屈豈不資笑訕況彼同兒  
戲吾氣宜浩汗一枕共兩釜日計已云慣唯當順自然慎勿加愁歎  
靜攝以待時沖霄振羽翰聲名滿天下康強亦足羨謂予言不信請  
以詩爲券

詠史五首

胡姬亦太苦將雛共嚙雪始望未必歸所以稱卓絕



鑿空經匈奴來去遮留久千人還者三古今罕儔偶

三洪父最賢冷山留獨久松漠一卷書紀事誠非苟

坐臥一小樓三年實囚繫黃冠歸江南未必文山意

祭奠兼通好何須恃口舌蘿石全忠孝凜凜至今烈

憶郊西老屋

紫柏娉婷竹老成藤花怒放晚霞明只因貪看西山翠誤盡華年歎

此生

賦得丙丁龜鑑二首

休論漢過兼吳失晉紀爲文最得平外戚位尊居政地三公年老負

高名稽康非聖身旋滅阮籍達莊禍始生若使羣胡能絕渡渡江名

士恐無成 懷惡

海上成盟忍再論靖康傳位黨爭喧關中老將難要擊太學諸生只  
放言主戰自能收衆望求和無乃負君恩龜山獨灑憂時淚臙有偷  
生一息存 微欽

二月二十七日驅往注射傷寒針感賦

不信真遷怒誰能料狡夷禍成交戰日覺始造因時黑白何須辨牛  
羊等視之含冤徒自苦橫死亦非奇

注射藥針遇洪煨蓮傷其瘠弱詩以贈之不能相示

慷慨洪夫子憐予被難同規成猿鶴化事等馬牛風秦霸謀真狡周  
衰道未窮願君勤自衛天意待人通

天笑

五年塗炭人不哭笑何爲戎狄皆無厭滅亡豈有期天心終默佑衆

志莫乖離露布誰當草吾衰未敢辭

早是

早是尋春辦酒錢看花日日醉花前而今釀得愁千斛一夢何曾到  
酒邊

上巳

上巳多晴和此日風獨厲豈予心中悲遂覺天有異一冬歎少雪疾  
疫多所被入春徹骨寒肌膚若刻刺黃霧屢四塞狂風蕩冥晦自來  
南北殊雨澤稀北地未若茲暮春春寒使人悸僕也不自傷唯恐傷  
農事生民居水火益當無生計死生亦大矣爲誦右軍序

又一首

九十韶光嗟漸老令人難遣是啼鶻江頭景尙鮮如昨鏡裡容當豔

似先正好鶯花迎上已，惟憑絲竹憶中年。哀頑不分今生慣，白首傷春又惘然。

有酒

有酒能令天地寬，離家翻覺一身閒。人多風趣愁應減，花損容光態更添。似暖猶寒孤館靜，欲晴還雨小窗妍。碧闌每憶成惆悵，何況依依曲檻前。

小米飯二首

偶然爲飯重村農，羹粥芳馨到處同。色似秋葵香似桂，小珠粒粒落盤中。

飢來攫食少溫文，飽我真堪策上勳。天日果能邀再見，也應每飯不忘君。

不關

不關悲憤不傷春  
振觸無端劇楚辛  
自分此心如槁木  
豈知哀怨不由人

所慕

漢魏不知寧論晉  
滄桑懶說幾揚塵  
興來偶預率真會  
老去當留自在身  
哀樂順情皆應物  
興亡任運不關人  
仙方禪理無心問  
唯有蒲團分外親

書示東菴

龍頭端合事曹公  
荀氏諸郎志便同  
海內人才屈指盡  
誰知隴畝有真龍

對月

離家忽四月兩度見金蟾對月空成憶臨風祇自憐剛腸垂老減衰  
髻帶愁添祇念癡兒女何時共笑顏

病耳

記問非人師見聞張三世眼耳四寸間聰明所託寄自予罹幽囚百  
病若輪替昨來耳創潰一丸塞其隧充耳若無聞耳食始斷棄若并  
目亦蒙廢然絕衆視不見復不知便臻佛地際

夢幻示張趙兩公未知生死姑以自寬

虜中軍法嚴置獄消息斷衣裳偶或通妻子禁一面邏卒勤窺伺密  
綴有若綫動輒遭呵叱猙獰竇中現嗚嗚牛頭狺狺吠馬面舉頭  
天羅觸伸足地網陷一語未吐唇筮楚已無算飲食明號令矢溺稍  
從便但無三木囊亦未匣牀貫拱楛無所施更不盤鎖鍊以之較華

法寬嚴實有辨華法多假借名實頗相銜虜法誠煩苛司空急城且  
以故居彼中心苦逾萬萬寧能唱董逃死法亦無辦自顧同餓鬼饑  
疲忽長歎家人視若鬼東西各奔竄比迹地下人所缺惟祭奠唯予  
能再生罪名終難判破械會有期翱翔各天半妻孥共笑言良朋張  
高宴迴憶此中情疑若夢所幻

論俳體四首

詞賦原來異滑稽孟堅區別耐人思恢諧本意存規諫方朔雄名自  
一時

毛穎方山啓後賢誰知俚語亦流傳時衰世亂文章賤惡派江湖總  
占先

才人矢志儘高歌世上于今有網羅萬古愁成供奉曲鳧西悲憤竟

如何

繪色繪聲出盲腐須知字字帶酸辛好行小慧資談笑輕薄爲文大  
有人

三日并出

日者君之象君尊高位乃一如何三日并掩映若匹敵君弱而臣強  
占經論已悉中國久無君固當無所失夷狄不應占赫然標其幟恰  
似政多門三軍恆并立在昔漢匈奴五分始請質突厥畔東西有隋  
施羈縻夷狄離其強懷柔方可必何當情有窮一箭落三日

三月十一日喜雨

一冬雨雪稀三農憔悴甚黃沙挾風飛人憂麥必病好雨尙及時入  
地盈五寸喜見溝洫通欣看畎畝潤田夫笑口侈饁婦歡顏迸大兒



積潦戲小女牽衣問黃犬奮身過烏韃振目眇雞啼氣益雄鵬鳴聲  
始俊皆知麥有秋兼卜歲豐盛老翁更事多尤喜少疾病把酒話生  
平絮語斷續聽似言城市中未必憐農困僕也遭奇禍恐難全性命  
胡乃不自傷而爲農稱幸諸君且莫喧聽我一言定衆庶皆仰農無  
農食早罄僣怯歌此詩聊爲牛民慶

古意二首

斷雨零風總閉門

獄中門  
鎖加嚴

可憐無語又黃昏

屬禁  
交談

離愁都在楊花裡

兩裡楊花更斷魂

都道春風別樣和離人但覺春愁多離人怕看花開落不見花開又  
怨歌

憶家二首

春將盡也百花殘鳳去鸞孤信杳然太息閨中癡兒女猶窺缺月望團圓

欲憑黃鶯寄音書除却言愁一字無春恨春愁拋不得夢中相慰也成虛

憐他

憐他馬最嬌癡巧樣梳粧尙入時爭道生來多命薄豈知顏色誤臙脂

三月十六夜夢人餽蜜漬佛手一筐予略食其一大女在側舉以賜之女更祈一圓者不解其旨豈靈佛示驗獄事將解耶以詩紀之

佛手名佳果慈悲夢裡增顛危心有悟指點意俱澄蜜味中邊徹圓

修大小乘萬緣都已斷風味早如僧

詠雙箸

離合無端計早萌兩傷都自不平生艱危籌向誰先借黑白局方劫  
後爭飽食何須如舉杖淺嘗無乃類操兵成雙也自傳佳話可惜分  
張歎弟兄

肥人

相看面漸圓腹筒頗便便詩興濃于酒愁懷淡似烟日長宜飽食夜  
靜合高眠誰續肥人記吾儕似可傳

家人始送袷衣

會難離太易分手在春先既昧張羅算非同別淚彈時增烈士感敢  
慕家人歡此意無由達休輕託雁傳

夏近暑將近春歸人未歸  
袷衣勞悵望消息歎全違  
睹物歡欣集思家涕淚揮  
闈中同此感忍見落花飛

柳枝辭 感懷身世寄託遙深  
甘載心期視今猶昔句中汝  
字各有所指知我者自能辨  
之所謂歡娛亦強辭也嗟乎  
身丁喪亂聊以自勵如曰風  
懷失之遠矣

池塘最愛柳藏鴉一角紅樓  
總被遮絮化浮萍萍化柳切  
休孤負柳生花

十五年前夢欲迷楊花飛過  
板橋西絲絲牽惹柔腸慣縮  
作雙鬢更整齊

當作瓊花似雪瑩掌中起舞  
態輕盈多情莫逐東流水願  
汝嬌憨過一生

打漿湖西欲放愁誰知湖水向東流飄零一世皆因汝爲了歡娛白  
了頭

風霾

國君殉社稷千古有懷宗共歎君臣烈誰憂虜寇訂生辰傳後世  
俗世以三月十九日爲太陽生日有太陽經其實即悼懷宗也義幟徧江東板蕩還今日風霾亦正同

弦歌二首

弦歌不廢魯公城癡絕由來未預兵豈意貔貅三百萬居然看重幾  
書生

巢覆何須望卵全任教長繫得身閒書生應自誇奇遇報國居然也

占先

予編號五百三爲  
同人十一人之首

聽雨

空階點滴一聲聲無奈淒涼客子聽和淚連愁都已慣最難排解夢

初醒

愁心

白日堂堂去已多愁心起伏似江波繁華又盡春將去愁裡光陰水

樣過

憶春明花事

未經崇效寺屈指十三年魏紫應如舊姚黃不似先一幘離亂後諸

老順康間勝迹今猶盛花之便黯然南西門外三官廟會資谷  
強題曰花之寺非其地也

幽州闔園地古蹟未全荒寺以丁香著僧為甲第亡豐碑存史氏法

物賜先皇割它侵方丈春風惜海棠法源寺方丈室前海棠紅已過屋百年物  
也戊午春常州董某宅寺僧道隋割丈

室歸之于每過  
其地輒為惋惜

海棠輪樂壽

頤和園排雲殿海棠自極樂寺移植

極樂歎蕭蕭香火終難復風流不可招

花臺多種菜

二十年前國花臺已成菜圃矣

竹徑半生蒿莫漫勞車馬環溪也寂寥

塔射

天寧寺有塔射山房

與花之流風有盡時花枝非比昔詩卷益成悲大雅難

爲繼羣兒未敢期無心尋萬柳補種久淒迷

### 少年行

少年走歡場老年不結客歡場失意多老懷增悲結悲來時向海濱  
游望斷雲帆天際舟舟中有人唯食棗窈窕無雙顏色好學得神仙  
常不老老翁掩袂歸少年目笑之人生離合會有期富貴壽考亦何  
爲仙人長生誰則知胡爲辛苦屢見獻朝出城東門暮宿西山下鮮  
景耀長岡清輝瑩合浦歡樂夜未央秦歌共楚舞老翁聞之神氣沮  
縱有美酒不教酤長夜漫漫心有悟明朝還向海濱去

立夏日薙鬚髮二首

日茹南冠痛枯懷，似僧唯嫌多髣髴。祇未辦刀繩煩惱，應須斷吹求免。被憎哀梨，經并剪不覺意飛騰。

在昔資嘲弄，諸毛繞涿居。自從芟薙後，但覺容顏殊。尙皺觀河面，不留門草鬚。誰言猶少壯，一笑掩胡盧。

偶憶

小窓臥聽雨聲酣，偶憶郊西屋後園。若使有人稍護惜，杏梨桃李也應蕃。

憶藏書

豐寶堂中八萬卷，省衣節食侈收藏。巧取從無豪奪未，元緡不雅宋刊亡。偶存孤本人，皆異盡讀奇書願。始償批校雖精非，吾慕傳鈔秘。



寔意差強

弱歲嗜書如性命一編便可盡朝昏每徵流別親離校爲證異同輒  
考論插架方欣娛老髭鑿極未必示兒孫自從遭禍家離徒祇恐巢  
空盡掃痕

不寐

宵中萬念無端起客子淒涼枕上情料得山妻同不寐似聞長歎兩

三聲

詠蚤

其種宜稍異薄皮總不肥腿長身矯捷喙小量輕微無厭真堪鄙立  
逃亦見機祇憐空吮血點滴盡沾衣

送春

無情天地應須閉却爲多情又轉悲今日殷勤勞祖送明年鄭重問  
來期風添愁思因傷別雨助酸心似恨離老我未宜揮涕淚祇知人  
去有歸時

入浴

七日一熏沐三旬願始償虜人如重信此事似須商清白軀宜裸飛  
騰氣正揚鞭管固吾分驅迫又何傷

放歌行慰同繫者

愁懷往日都能解客至開樽大如海一嚼立盡連舉再不覺天地顏  
色爲之改今日愁來渺無端驅之復至再駟難正如惡客不肯去又  
如排闥入室狂風翻欲作山頭鳥身無羽翼不能飛欲作海中魚身  
無鱗鱗不教移日日掩泣淚如雨胡爲將身陷醜虜欲脫欲死皆無

計生死無憑憑虜意人生至此尙何辭不與愁期愁自隨古來烈士  
寧不知讀書學道窮隨微胡乃摧頽志氣衰悲來填膺不自持嗜吁  
嘻嘻怒哀樂聖人不能遺

盼家人送藥餌不至

老去餘衰病閒來種藥苗開花供客賞結子作香燒那更憂沉陸人  
誰念覆巢方春常遇疾難得一丸療

百六

宵來

三月  
晦日

一夢頗突兀夢見神人白玉冠神語百六十六日獄事可

解縱爾還音吐歷歷猶在耳醒來四鼓五鼓間舌橋不下駭然汗是

何馮翼足昭虔歷四閱月或可免

自人獄遂新  
曆六月十日

同人虛擬相譬寬難

期無人爲布算名捕之日有後先自予違難

客歲冬月十日爲新  
曆十二月二十七日

及是

日期日巧合若彫鐫適符百六樂令論夢因與想何因何想使之然是

豈神佛偶示現闕予無告啓其端抑或山鬼喜弄人故為顛倒資笑

姍語若可解不可解信之則愚不信頑徵驗為期當不遠夢固足異

歌以傳後二日為新曆五月十六日予即得釋又有合有不合者更不可解矣

附諧吟二十四首錄十六首

自笑年來學閉關而今真个似安禪夜深鬼物時相擾夜中譏詞尤甚蒙頭側臥野聲

以及起坐皆所不許要仗先生定力全

陳公庵二告我須堅忍忍字心頭插一刀愛國當從愛身始泰山終是

吳鴻毛欲死屢矣賴此自解

一塵不染似精廬初居曰西大監後移新大監人各一室室門嚴鑰閉有橫壁可自外視內下有方孔通飲食門左右壁有壁筒如斗一室壁鑿立門

外無不聞之對門之壁鑿窓幾接屋頂室隅一則唯也板精潔耳響漫洋灰堅不可鑿防逸囚也手悟足繚一概除面壁畫間面壁坐不

得回 無言都不怕最無聊奈禁觀書後亦可送書入覽唯養查費時獄中有書可借但不易耳

十二時中一事無兩餐一枕足安舒若拋家國入雲霧个个癡肥勝牧豬

早餐未幾夕餐到佛號勤宣正八千予日宣佛號萬聲自正月六日至待到脫繫日凡宣佛號八十五萬五千

一燈人共對六時高呼入息又明天

曉昇

晚餐而後到明天歷九時辰飢火煎臍取窩頭憐一角細從顆粒潤

饑涎

何事窩頭喚饅頭予等初食二餐二窩頭一湯一茶日本人偶逢團飯當珍羞三餐二菜一茶皆大米飯西洋人如之

三月初會或白麵一餐小米夾生飯予等食窩頭致疾乃改一餐為小米飯後易饅頭約二十日兩餐復推之遍及三百餘華人皆食小米飯

遂無窩  
頭矣 還說斯文特地優

七箸當餐照例無全憑食指運工夫周家食法原如此一笑居然太

古徒 後給箸復停  
旋給隻箸

正月天寒還地凍三條線毯尙呻吟可憐名望高天下博得裝棉一

布衾 日本人有棉衾予等爲特給後女囚及西洋人亦  
有之唯予等及西洋人得藉以坐臥他人不能也

走卒尊稱喚太君 謂官長也初疑爲日本語以詢日  
本人始知爲華語大人之言轉 太君大大 謂貴官 更奇

聞般般嚴厲遵軍法直把先生當小軍

顛連扶困痛相關 予病甚時洪懷運爲予祈禱陸志章爲折  
疊紙痰孟志章及張東蓀各假予毛襪 十一人同室一

間 予等十一人初同住西大監十一人者張東蓀趙紫宸陸志章趙承信陳其田劉松軒  
林家通戴艾慎以舊曆十月二十日被執予及洪懷運蔡一謬肅正誼侯仁之周學章

復先後就執予等自憲兵隊解軍部肅周戴三君 幕地分開人一室正月四日忽  
向墨隊中後二日肅戴得釋予出獄後周亦釋

住新監三十八號二十五日復令二人一室予與張東蓀共住三十五號二偶聞警欸  
月十五日令三人一室予與張東蓀趙紫宸共住三十一號同人相次列居

也心安

澡身洗面俱停止初以星期二日洗面星期三入浴旋皆停正月二十不識開

庭照舊無初排日列單就訊正月初三日訊張東霖翌日訊林家通忽又停止愈旬始

子嶺中則否訊時同人皆得坐軍法課長少將軍法予等被執罪名爲抗日容疑森嚴

非兒戲不裁不判可軒渠

惹得蒲團睡味長斜飛日影射天窓荒唐一夢真堪笑親見蠻夷變

犬羊

夷情自古稱難測消息入微莫用參第一須安方寸地事皆前定本

由天

人生處境須當換苦樂相參倍有情歷盡千辛翻自喜他年老景必

豐亨

重陽客至時避地成府村桑樹園在海淀東二里許謝絕交

游久矣

地僻無車馬柴扉始一開應知肥遁少翻爲野人來談笑吳鉤賦綢繆濁酒杯前村秋水靜垂釣欲相陪

四愁思遠道三歎感朱紘投老還安拙得閒即是仙菊花同我瘦楓葉對人妍多難登臨廢欣君一往還

示楊生明照

子雲寂莫繼相如蜀國多才父子蘇老眼未花心力懶欲君亂後賦燕都

忍飢

生計蕭疎一飽難妻兒相對涕洟瀾迴思穀餼銀鐙日愁雨愁風一



樣酸

百無一計唯甘餓那有閒情更著書大地沈淪看且盡天心仁愛竟何如

釋繫一年矣悽然有賦以下癸未

淒涼往事便經年光景依稀有變遷愁裡鶯花新歲月夢中歌舞舊山川衣裝柳放因風絮食仰榆飄帶雨錢正是春雲工作態偶然屬

目到遼天

聯軍攻北非洲將下

桑園即事

老去耽書興味長陳編相對發幽香世間萬事書中備只少仙人辟穀方

憂患皆從識字始著書亦祇誤蒼生如何午夜猶探索研露滴朱直

到明

過北海

天外西風起暮愁  
蕭疎苑樹便成秋  
金鼇橋下聲鳴咽  
爲怕傷心水不流

淒涼桂殿未全荒  
花石流傳自靖康  
欲問蓬萊水清淺  
幾回腸斷見滄桑

移居北城永康胡同和崇巽菴見懷原韻

高蹈緬前哲康成隱不其  
相彼龍鳳質愧予管中窺  
高名良足累道在詎云虧  
如何依袁紹老儻令人思

不潔甘自污舉世方逐臭  
如以芳自標風摧出林秀  
尼父歎道窮鄙人輕去就  
勿爲天下先深藏吾恐後

食菲艱一飽冬寒被六銖衣食寧足憂君子慎所如名山招真隱  
遠境結吾廬一笑天地寬東海失大魚

懷王終未悟叢咎徒子蘭香草雜荆棘美人起長歎莊生貴逍遙始

覺江海寬游鱗不可餌廢然釋釣竿

琴胡何嘗飽過  
人人自震震耳

題林壽卿冊子以下甲申

昔聞四海論兄弟欲訪三山歎渺茫禮義尙存箕子國詩書誰拜鄭

公鄉鱗潛水濶因忘釣鶴戀松高未忍翔他日移樽還有約立從臺

上看斜陽

詩卿志在復國去年  
曾同游釣魚臺故云

寄懷洪煨蓮

徒步常尋隱土居經旬不見便爲疎衣粗食淡平生願力果思精幾  
卷書老去心情憐我拙年來愁困賴君舒殷勤相憶覓長句綠葉成

陰又夏初

脫繫二年偶成

地棘天荆二載前居然平地望青天著書未必超先輩經世還應賴  
後賢寒石似人終歲默智珠如月十分圓華陰道士真堪羨和雨和  
風自在眠

苦暑柬張孟劬

街南常共舊公孫謂崇巽巷居賴兒胡同  
子居大經廠故曰街南苦憶揚雲但草玄文獻祇今方  
有託風塵畢竟道為尊

如我蹉跎事疏炎威無計避城隅世間得失無心問偶讀平生未  
竟書

孟劬有詩見投依韻答之

冷竈幾無飯可攤樂飢唯抱一經殘他年虎觀論家法今古同應重  
學官

論道還須讓兩人槐居唱和舊相鄰昔與孟劬有槐居唱和集攤書便是人間福傲  
視羣兒總未貧

和孟劬見懷之作原韻

碧紗微拓夜光虛這暑工夫只澹如片月欸扉高士簡濃陰匝地野  
人居心同水濶忘機鷺迹類淵深避影魚不是時艱還作達排胸賴  
有幾行書

老來哀樂漸忘情適志多因不近名酌酒香浮花底甕烹泉聲沸竹  
間鐺披裘作釣高風遠編草爲裳舉體輕我便菁羹同一飽聊將閒  
暇慰平生

蜃氣一首時日本東條倒閣小磯代之

奇踪早已紀天官蜃氣新從六月看頃刻樓臺輪結構無多光景費  
盤桓魚龍曼衍皆成戲登觸分爭大是難可惜齊諧工志怪未收微  
妙到豪瑞

夏夜靜坐偶成

澄懷如水草堂東涼意先從竹徑通半榻漸移楊柳月一簾初送藕  
花風蟬聲細辨喧還寂蛙鼓爭鳴異總同靜裏方深物外趣更無渣  
滓在胸中

孟劬賜和蜃氣却酬一首

半段碑殘碧辭侵阜昌年號嬾重尋嬋娟未得和親力犬馬難忘孝  
順心南渡河山終有主前驅父子已成禽浮漚起滅尋常事輸與遣

民感不禁

香井 故宮寧壽宮後門一井庚子珍妃殉節處也小祠有

端康皇貴妃題額曰貞筠勁草俗呼珍妃井嫌不雅馴爲

易名香井云

姊妹花開錦不如風波未信委紅蕖至今行路嗟奇烈猶記追封下

詔書

誤人只是最承恩掩淚倉皇訣至尊畢竟水仙堪比潔可憐阿姊與

招魂

生小嬋娟筆調新何曾北面絳幃親欺君賣友文章士還是蛾眉不

負人

寧壽宮荒冷夕陽井闌依舊閱興亡臙脂不比陳宮辱酌得寒泉分

外香

雪中口號示珂瑞兩幼兒

雪花先集野人家活火新爐自煮茶一盞薔薇

潘婚運之為致野薔薇茶昔尋常視之今則名貴不

可言細斟酌還應清絕賦梅花

富貴無心願守真吾家累世祇清貧書中多少高行士笑我龍鍾一

癯人

新正東洪煨蓮 以下乙酉

黃金鉏得瓦同看唯有耽書不算貧萬卷書叢一老蠹神仙三食當

加餐

雪裏梅花分外清水仙重與訂香盟世間夫婦如君少冷淡生涯未

是名



人世紛紜已坐忘，偶從天外看斜陽。  
東頭行過新開路，便是淵明栗里莊。

我亦蘆中久避人，忘機鷗鷺總相親。  
從來不識金銀氣，却愛波光白似銀。

哭張孟劬先生

天上文星落人間，白日寒三長。今不作六載，古多殘。墜緒知誰接，遺書帶淚看東南。諸老盡從此罷驕壇。

鄧志爲明禮

君年來專肆三禮

遷書本繼經，起衰應有待。撥亂豈無靈，一代儒

林傳千秋野史亭。後來承學士，何處奉儀型。

年暮心猶壯，聲吞恨未消。潔身全亂世，修史報先朝。  
陶令非關醉，龔生惜竟天。撫棺增一慟，時事總蕭條。

憶昔連牆日商量舊學時同深三戶感唯有兩人癡語自酸心吐花  
從淚眼窺收京猶未賦遺憾九原知

脫繫三年廻思舊事示同學少年

東風吹夢了無痕舊事從頭忍再論皮骨空存心似鐵酸辛相對友  
如昆人憐夜雨三更楚天幸朝暉一綫溫不意生還春正好牡丹初  
放竹生孫

東風吹夢又三年此日詩篇歲歲傳幾歷悲歡雙髮改漸忘得失一  
身便排空似欲銷兵氣閉戶終當結靜緣案有圖書尊有酒愛閒原  
不負皇天

燕京大學復開欲遂謝教東洪煨蓮

幾分清氣入疏帷欲啓岩扉故遲語默但憑寒石證行藏寧有外

人知風波變幻心常定雲雨荒唐事總疑還是南華能鎮物一篇秋水繫閒思

次煨蓮過臨湖軒韻

勝地三年別銀燈此夜張多情尋石友無恙問宮牆壁月翻瀾碧秋  
花照影黃劇憐松挺秀知歷幾星霜

成府新居口號

老妻嬾婢病相扶敝帚殘鐺却勝無浙浙風簾茅屋裏果然家具少  
于書長物斥賣略盡  
書亦損五之二

高下隨人意未休黃塵面也愧青油竹媿石媚溪流活又爲看山得  
少留

虛名求我笑童蒙爲說興亡百代同說夢夢中休便醒三家村裡一

痴翁

折角林宗早見微申屠因樹也知幾要他名姓都忘却一任天空野  
鶴飛

印閉關吟既竟以數年來所賦者擇附于後用劍南集例也丙  
戌五月自記

SKBC

G

222.76